

吳興山壩
名

費念慈



吳興山墟名卷亡隋經籍志新舊唐書未著錄宋王
象之輿地紀勝云張元之作又云晉吳興太守王韶
之撰按談鑰吳興志云吳興山墟名張元之作見統
記宋左文質傳撰援引不一吳興郡疏一卷宋吳興太守王
韶之撰是元之韶之所撰截然兩書象之合爲一誤
甚晉書謝安傳張元之字祖希吳郡人少以學顯武
帝時吳興太守與會稽內史謝元之同年之郡論者
以爲南北之望時稱二元寰宇記引作玄之章氏宗
源考證誤作充之嚴氏可均以爲作前溪曲之沈充
亦誤章氏又引金山等二十二事今按章氏脫飛雲
山九龍山龍目峴三事實二十五事爰輯輿地紀勝
山墟

吳興志明勞鉞湖州府志鄭餘慶湖錄石柱記箋釋
都爲一卷光緒庚辰江陰繆荃孫敘於都門日南坊
之永興寺

吳興山墟名

晉吳興太守張元之撰 江陰繆荃孫校集

三山太湖中白波天合三點黛色陸士龍贈顧彥先詩云我家五湖陰君住三山陽即此是也寰宇記九十四與

地紀勝四

金山上紀勝作土石悉作丹絳之色紀勝無悉之二字夜照數里

不假燭以其光彩類金而名焉寰宇記九十四無焉字

石城山昔烏程豪族嚴白虎於山下壘紀勝作累石為城

與呂蒙戰所今山上有弩臺烽火樓之跡猶存焉寰宇

紀勝九十四武康縣亦有石城山乃赤眉之亂邑人於

山下壘石為城因以名之紀勝四

山墟

金鵝山漢海昏侯沈戎葬於此上有池深五尺其水

冬夏不竭時吳帝見山上金鵝翔集或風清雨霽樵

夫耕叟聞山上鵝鳴寰宇記九十四

杼山昔夏后杼狩之所今山上有古城避地寰宇記九十四

几山形似几因為名焉寰宇記九十四

七里嶠紀勝作橋山頂有石橋長一丈六尺濶八尺三字

補志甚峻滑一名石橋此七字一名石頭山紀勝談此五字

今山下有橋村談志作山下有石橋村

餘英溪每春夾岸花開落英滿地勞志補通夏不歇

因以為名寰宇記九十四勞鉞府志

夏駕山昔帝杼南巡至於此山因而名之山上有石

鼓高一丈下有磐石為足諺曰石鼓鳴則三吳有兵寰宇記九十四

飛雲山南有風穴故雲霧不得於其間其上多產楓櫟等寰宇記九十四

白鶴山昔姚紘得仙於此化白鶴飛去因名之寰宇記九十四

九龍山其山有九隴悉作龍形山頂有古石城城西北角有石竇因名石郭寰宇記九十四

青山有石竇通洞庭冬夏常暖山如黛色寰宇記九十四

蓺香山昔西施種香之所寰宇記九十四

山墟

二

西顧山昔吳王闔廬登姑蘇望五湖顧見此山因名之寰宇記九十四

雉山以形類雉寰宇記九十四

西噓山泉澗談志北流而西向峻狹以其聲鳴咽而名之寰宇記九十四

龍目峴山山石巖間有二目光采照人因而名之為紀勝龍目峴寰宇記九十四

南嶼山昔西施種香之所上有蘭茝畹寰宇記九十四

西湖一名吳城湖昔闔廬築吳城使百姓輦土浸而為湖闔廬弟夫槩因而創之寰宇記九十四

荆山昔漢荆王賈登此山名之寰宇記九十四

紫花澗兩岸芳蕪之中出紫苑長薄之下生珠藤至

三月紫花滿澗一名花瀨寰宇記九十四

顧渚昔吳王夫槩紀勝作吳夫槩王顧其渚次原隰平行可

紀勝無此字為都邑之所寰宇記九十四

金山金潭金塘金渠悉漢樓船將軍金曼倩居之寰宇

記九十四勞志有故名二字

苕溪以貢苕得名寰宇記九十四

卞山峻極非清秋爽氣不見其頂紀勝四夏有積雪

多蝮蛇兔鹿怪獸羅慄烏程縣志

蠡塘昔越相范蠡所築紀勝四

胥塘昔伍子胥所築紀勝四

山墟

九乳山山有九峰狀如乳紀勝四

舊名東張游者忘歸號稽留山談志

含山震澤東望蒼然茭葦煙蔚之中高邱卓絕因以

名焉談志

呂山吳將呂蒙築營於此因名談志

吳山吳王送女至此談志

佛子山昔傳其上常有白光人謂有金寶掘之得石

佛子長數寸因名談志

戍山吳夫槩於此築戍城山多產青松白茅談志

巖山以巖陰為名又云吳王闔閭時有白鹿見亦名

白鹿山談志

烏瞻山有青烏子瞻望此山曰可以避難養道隱者所居故名談志

方山以其頂方名之談志

菹中山菹淹藏菜也昔吳王於山中種蔬為軍人冬食之備談志

深峴山山下有水深數十丈因名談志

計峴山范蠡之師計然居此因名談志

場山昔有場氏居此山談志

箬峴山多產箭箬俗呼箬嶺談志

鳳亭山昔有鳳棲山上多產栲櫟談志

堯市山堯時洪水居民於此山作市今山上有池可

山墟

四

廣一畝談志

懸臼山有懸石若臼形故名談志

懸腳嶺以嶺腳下懸為名多產箭竹茶茗一名芳巖

箬水出焉談志

啄木嶺其山萬木叢薄多啄木鳥故名談志

敢三山者以其三峰在敢村南則吳丞相闞澤所居

也談志

烏巾山昔有烏巾者其家善釀美酒居此山談志

銅峴山據大典補前溪之發源吳王采銅之所俗號銅嶺

談志

忻湖分溪帶峰蓮菱之下鴛鴻所集可以游詠寫人

憂恨故名

談志

赭石山山有赭石望之頽然游者若升絳霄也

勞志

伏翼澗澗中多產伏翼有素翼赤腹千載倒挂者

勞志

石圻其岸多石

勞志

盧圻其土黑

勞志

卞山有項王走馬埕飲馬池繫馬木石間又有項王

馬足

石柱記
箋釋

青峴山多產楮

湖錄

四安山以其山四面平廣故名

湖錄

合澗源出蒼雲嶺半分為二道由孺獅塢合而為一

故曰合澗

湖錄

山墟

五

皋塘高士皋伯通築以障太湖之水

湖錄

孫塘孫皓封烏程侯時所築

湖錄

仙臺山黃初平修道之處

湖錄

荆塘漢荆王亶所築

永樂大典二千二百七十六

方塘盤塘皆以形言

大典二千二百七十六